



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.26. Eremitæ S. Augustini.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

Sæcul. XIII.
A. C. 1256.

starent, Episcopum iussit anathema contorquere in omnes illos, qui alios a confessione faciendâ his Fratribus, siquidem istis Papa, vel Legatus ejus, aut Episcopus, vel Parochus potestatem fecerit, vel ab audiendis eorum concionibus lectionibusve averterent, aut eis ingressum in scholas lectionum & disputationum tempore denegarent. Post mensis spatium 4. Aprilis Papa Universitati per epistolam exprobravit, quod constitutionem scholæ suæ conservandæ gratia factam (intelligo diploma: *Quasi lignum vitæ*) non observaverit. Hoc adscribit privatis quibusdam (inter alios Guilielmo de Sancto Amore) qui reliquos subornassent, & Universitati, nisi obedientiam præstet, pœnas minatur. Post dies octo Papa Regem S. Ludovicum per litteras oravit, ut Episcopo validam commodaret manum ad coërcendam Academicorum contra Dominicanos insolentiam. Hæ tres epistolæ videntur esse scriptæ, antequam Papa sciret compositionem Parisiis factam.

§. XXVI.

Eremitæ S. Augustini.

Eodem tempore Papa Alexander quinque Eremitarum Congregationes, duas S. Guilielmi, tres S. Augustini, unum

num in corpus redegit. Hic S. Guilielmus est Malavallensis ille abhinc centum circiter annos mortuus, cujus imitatores duas Congregationes formarunt: ejus nomen servabat altera: altera aliud a monte Fabalio sumpsit. Suum quæque Præpositum Generalem habebat: sed utraque observabat regulam S. Benedicti, postquam Papa Gregorius IX. hanc ambabus permiserat. Tres reliquæ Congregationes S. Augustini regulam sequebantur, ab eodem Sancto, a B. Joanne Bono, & a Bricina nomen adeptæ. Dudum vero multi in Europa Eremitæ conspiciebantur, qui se S. Augustini regulam sequi dicebant. Joannes Bonus est Eremita ille Mantuanus, de quo suo loco mentionem feci: obiit 23. Oct. 1249. & Papa Innocentius IV. urbis ac Episcopi Mantuani rogatu Albertum Episcopum Mutinensem in illius vitam & miracula inquirere jussit per litteras 17. Jun. an. 1251. datas. Congregatio de Bricina nomen traxit a solitudine sua in Diœcesi Fanensi & in agro Anconitano sita: & Papa Gregorius IX. an. 1238. S. Augustini regulam concessit aliam approbatam non habenti.

Hæ quinque Congregationes erant, quas Papa Alexander conjungendas suscepit. Imperavit igitur, ut duos e quovis coenobio fratres plena potestate munitos

Sæcul. XIII.

A C 1256

Boll. 10.

Febr. to. 4.

p. 472. Sup.

Lib. 70. §. 19.

Sup. lib. 81.

§. 4.

Bzov. 1249.

n. 11.

Bullar.

Alex. IV.

Consl. 6.

Sæcul. XIII.
A.C. 1256. nitos Romam mitterent. Tum negotii
curatorem illis dedit Richardum Cardi-
nalem Diaconum a S. Angelo, qui ad
comitia generalia convocatos, ex com-
muni consensu ad æqualem unius regu-
læ observantiam sub Præpositum quen-
dam Generalem redegit, quem eligendum
Cardinali tunc quidem relinquebant.

Sup. Lib. 81.
§. 4. Abdicata bonorum immobilium possessio-
de nuncupatum perfectæ paupertatis vo-
tum exercere porro, sed ab imposita sibi
baculos gestandi necessitate absolvi vo-
lebant. Cardinalis in utrumque confen-
tiens, unico jam Ordini Eremitarum S.
Augustini primum Præpositum Generalem
Lanfrancum constituit. Papa 9. Aprilis
an. 1256. per diploma suum rem totam
ratam habuit. Et hæc fuit origo Reli-
giosorum S. Augustini Mendicantium.

Boll. p. 477. Ac Guilielmitæ hac in conjunctio-
ne haud diu persistere. Ab instituto S. Gui-
lielmi & a S. Benedicti regula, quam
Gregorius IX. & Innocentius IV. ipsis
permiserant, abstractos se cum dolerent,
Alexandrum IV. orando ita flectebant,
ut ipsos sicut antea sub peculiari suo Præ-
posito Generali vivere pateretur.